



Publicaziuns officialas dils 11-01-2019

Damonda da baghegiar

Nr. 128/2018

Datum da publicaziun: 11-01-2019

Patrun: Schmed Sigis e Rita, 7173 Surrein

Liug e parcella: Pardatsch; 4278

Object: construcziun d'in clavaziel

Il profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 11-01-2019

Cumissiun da baghegiar

ELECZIUNS COMMUNALAS 2019

Uffecis politics che crodan en elecziun

Tenor art. 11 dalla constituziun communal han las elecziuns communalas liug 2019. En elecziun crodan ils suandonts posts e mandats politics:

- a) president communal,
- b) geraus,
- c) commembers dalla cumissiun da quen e gestiun,
- d) commembers dalla cumissiun da baghegiar.

Tenor art. 20 dalla lescha da votaziuns ed elecziuns succedan las elecziuns per regla denter igl 1. d'avrel ed ils 15 da zecladur.

Demissiuns

Persunas che seretilan d'in uffeci communal, ston comunicar quei a scret alla suprastanza communal **entochen ils 31 da schaner** (bul postal) digl onn d'elecziuns. Tgi ch'intenziunescha da demissionar ei supplicaus da risguardar il termin sura indicau.

PREAVIS ED INFORMAZIUN

Abdicaziuns

La gliesta cullas persunas che han demissionau vegn publicada a dretg temps el FUS.

Nominaziuns novas

Officials che seretilan buca, valan sco proponi. Ils vischinadis e gruppaziuns da silmeins 15 votant(a)s san far nominaziuns da candidat(a)s per scadin post che stat en elecziun. Tuttas propostas per la gliesta officiala ein d'inoltrar en scret all'administraziun communal entochen ils **15 da mars**. Ils corrispundents formulars san vegnir retratgs dalla canzlia. Las candidaturas ston mintgamai cuntener num, prenum, onn da naschienscha, liug e professiun dil nominau.

Plans da fuigia tier alarm d'aua

Il plans da fuigia tier alarm d'aua dattan sclariment davart il secuntener en cass d'in alarm d'aua. Il plans ein exponi en scaffa da publicaziuns avon la canzlia communal. Plinavon ein il plans publicai duront 30 dis sin la pagina d'internet www.sumvitg.ch. La suprastonza communal supplichescha las convischinas ed il convischins da prender investa dils plans. Per damondas stat l'administraziun communal bugen a Vossa disposiziun.

Sumvitg, 11-01-2019

Suprastonza communal

Naschientscha

Berther Paula, naschida il 28-12-2018 a Glion, affon da Maurus e Giuliana Berther, sesents a Sumvitg.

Sumvitg, 11-01-2019

Controlla da habitonts

Protocol dalla radunonza communal dils 14-12-2018

Naven dils 11-01-2019 ei il protocol dalla radunonza communal dils 14-12-2018 exponius public en scaffa avon la canzlia communal e sin la pagina d'internet www.sumvitg.ch duront 30 dis.

Il protocol sa plinavon vegnir retratgs dalla canzlia communal duront las uras da spurtegl. L'administraziun communal porscha plinavon in abbonament en fuorma da pupi. Il cuosts da porto da frs. 2.50 per protocol vegnan tschentai a quen als abbonents. Convischinas e convischins che han interess d'in tal abbonament ein supplicai da s'annunziar tier l'administraziun communal.

Protestas encunter il protocol san tenor art. 11 dalla lescha da vischnaucas dil cantun Grischun vegnir inoltradas duront quei temps d'exposiziun tier la suprastonza communal.

Duront il medem temps ei il preventiv 2019 ch'ei vegnius approbaus dalla radunonza communal dils 14-12-2018 publicaus sin la pagina d'internet. Il preventiv sa era vegnir retratgs dalla canzlia communal.

Sumvitg, 11-01-2019

Administraziun communal

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 11-01-2019

Departament stradal

Cuorsa da skis a Cumpadials

Sonda, il 12 da schaner, allas 11.00 naven dil Plaun Curschellas entochen la punt Gonda. Ustria cun suppa calda per participonts ed aspectaturs alla partenza. Nus prendin era encunter annunzias spontanas. Aprèsski ella casa da scola suenter la cuorsa. Cordialmein envida

l'Uniun da cultura e sport Cumpadials

Uniun da catschadurs Greina, Sumvitg

Invitaziun alla radunonza generala, **venderdis, ils 10-01-2019** allas 20.00, Ustria «Miraval», S. Benedetg

Tractandas:

1. Beinvegni ed appel
2. Elecziun da dus dumbravuschs
3. Approbaziun dalla gliesta da tractandas
4. Protocols:
 - a) radunonza generala
 - b) radunonza avon catscha
5. Rendaquen:
 - a) cassa dall'uniun
 - b) cass da tgira
6. Fixar las contribuziuns annualas
7. Rapports annuals:
 - a) president
 - b) cau da tgira
8. Mutaziuns
9. Elecziuns:
 - a) president
 - b) schef da material
 - c) substitut cau da tgira
 - d) redactur
 - e) dus revisurs da quen
10. Program da lavur
11. a) Adattaziun dil datum dalla radunonza generala, per saver risguardar il termin d'annunzia per las propostas per mauns dall'uniun cantunala.
 - b) Eventuala radunonza extraordinaria, per saver decider sur dallas propostas per mauns dalla radunonza da delegai.
12. Discussiun e votaziun per dar liber il caliber dil tir intern
13. Orientaziun da catscha entras nies guardiaselvaschinas Andriu Degonda
14. Eventualas propostas per mauns dil district i per la radunonza da delegai dil BKP JV 2020
15. Varia

Nus dalla suprastonza selegrein sin ina constructiva radunonza generala.

La suprastonza

Las Zoclas Sumvitg

A nos preziai commembers passivs e sponsurs

Vus essas cordialmein envidai a nossa sera da passivs e sponsurs che ha liug sonda, ils 19 da schaner 2019, allas 20.00 en halla da scola a Sumvitg.

Nus selegrein sin Vossa viseta e viva il tscheiver!